

Kommunimut pilersaarut 2032

Kommuneqarfik Sermersuumut 2032-mut kommunimut pilersaarutitut nutaatut siunnersuut

Aalajangiiffigisassaq

J.nr.: EMN-2020-26540

Sanarfinermut Avatangiisinullu Ingerlatsivik - Pisortaq Hans Henrik Winther Johannsen / HHWJ

Suliassamik eqikkaaneq

Sanarfinermut Avatangiisinullu Ingerlatsiviup, kommunimut pilersaarummut iluarsissutitut siunnersuut, Kommuneqarfik Sermersooq tamakkerlugu atuuttussaq, sularaa.

Siunnersuut kommunimut pilersaarutip atuuttup ilaannakuusumik iluarsissutitaraa, Pilersaarusiornermut periuusissami P18-imi aalajangerneqartut, aammalu kommunimut pilersaarutip ukiut sisamakkuutaarlugit nutarterneqartarnissaanut atatillugu. Kommunimut pilersaarutitut nutaatut siunnersuut digitalinngortitaq uani takuneqarsinnaavoq:

<https://kp.sermersooq.gl/gl/>

Suliaq Sanarfinermut Avatangiisinullu Ataatsimiititap septembarip 09-ni 2020-mi ataatsimiinnerani oqaluuserineqarpoq, ataatsimiititallu inassuteqaat akuersissutigaa sularlu akuersissutigisassanngorlugu tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap 23.septembari 2020-mi ataatsimiinnerani oqaluuserineqarpoq, inassuteqaatigineqartoq ataatsimiititamit akuersissutigineqarpoq sularlu Kommunalbestyrelsimut tamanut tusarniaassutigineqarnissaa siunertaralugu aalajangiiffigisassanngorlugu ingerlateqqinneqarluni.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- siunnersuut, siunnersuutillu tamanut tusarniaassutigineqarnissaa siunertaralugu suleriaqqinnissaq akuersissutigineqassasoq.

Suliamik saqqummiussineq

Kommunimut pilersaarummut siunnersuut nutaaq, ukiuni sisamani kingullerni kommunimut pilersaarummut tapiliussami allannguutit aqutugalugit sularavoq, taamalu iluarsagaallunilu nutartigaavoq. Kommunimut pilersaarutip nutarternerani arlalialunnik allannguisoqarpoq, nutarterisoqarpoq aamma immikkoortut ilaannut ilanngussisoqarpoq.

Pilersaarusiornermi toqqammavigineqartoq pioreersoq aallaavigalugu (Kommunimut pilersaarut 2028), immikkoortut ilaasa atorineqarnissaa nunaminertanillu atugassiissuteqartarnermut tunngasuni, kommune tamakkerlugu assigiinnik malittarisassaartoqarnissaa qulakkeerniarlugu allaqqinneqarput iluarsartuunneqarlutillu.

Kommunimut pilersaarummi immikkoortut ataasiakkaat assigiinngitsukkuutaanik allannguiffigineqarput:

- Nutarterinerneq atillugu **pingaarnertut ilutsimi** oqaaseqatigiit aqqissorneqarput kingunerisassaallu iluarsanneqarlutik.

- Pilersaarusiornermi **tunngaviit pioreersut aallaavigalugit**, nunaminertamik atugassiinermi allaqqiisoqarpoq aaqqiisoqarlunilu inatsimmi piumasaqaatit ingerlatseriaatsillu tunngavigalugit, qulakkeerniarlugu kommunimi tamarmi nunaminertamik qinnuteqartoqartillugu sullissinermi assigiinnik malittarisassaqaarnissaq.
- **tunngaviusumik aalajangersakkat** nutaat nutartikkat, immikkoortut ilaanni tamani tamanut aalajangersakkatut atuuttussatut ilanngunneqarput, illoqarfinnut/nunaqarfinnullu aammalu nunaannarmut atuuttut.
- immikkoortut ilaanni 444-ni **aalajangersakkat pingaarnerit** sukumiisumik misissorneqarput. Aalajangersakkat suuneri najoqqutaralugit tamangajammik suliaapput - imaappoq, assigiissakkanik oqaasertalersorneqarput, assigiissakkanik malittarisassaqaarnissaq qulakkeerniarlugu, kisianni inoqarfiit kommunimilu sumiiffiit assigiinngitsut ataqqillugit.

Pilersaarutip nutarternerata nalaani aamma saqqa ilusaalu qarasaasiakkut sukumiisumik naleqqussarneqarlunilu nutarterneqarpoq. Tamaaliornermi innuttaasunut ataasiakkaanut taamatullu sullissisumut paasisutissanik attuumassuteqartunik ujaarlernermi pisariinnerulernissaa pingaarnertut siunertaalluni.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsiviup kommunimut pilersaarutitut nutaatut siunnersuutip pilersaarusiornissamut, sanaartugassanik suliarinnittarnermut nunaminertanillu atuinissamik qinnuteqaatit suliarineqartarnerinut pitsaanerusumik nutartikkamillu toqqammavissaqaalissasoq nalilerpaa.

Pilersaarut ukiuni tulliuttuni 12-ini kommunimi naleqquttumik attanneqarsinnaasumillu ineriartortitsisoqarnissaanut iluaqutaassaaq.

Aningaasatigut sulisoqarnikkullu naliliinerit

2032-mut Kommunimut pilersaarut toqqaannartumik kommunimiit tunngaviatigut aningaasartuutaassanngilaq, kommunip ingerlaavartumik pilersaarusiortarneranut ilaatinneqarmat.

Inatsisitigut tunngavissaq allakkallu tunngaviusumik uppernarsaatitallit

- o Pilersaarusiorneq aamma nunaminertat atorineqartarnerat pillugit Inatsisartut inatsisaat nr. 17, 17. november 2010-imeersoq.

Ingerlariaqqinnissaq

Kommunimut pilersaarut inaarutaasoq 2021-ip aallartinnerani politikikkut ataatsimiititanut saqqummiunneqassaaq, kingornagullu tamanut nalunaarutigineqassalluni.

Aningaasaqarnermut Allatseqarfimmit oqaaseqaatit

Pisariaqanngilaq.

Innuttaasunik peqataatitsineq/attaveqaqatigiinneq

Kommunimut pilersaarummut siunnersuut sapaatip-akunnerani arfineq-pingasuni tamanut tusarniaassutigineqassaaq.

Piffissami tusarniaaffiusumi Sanarfinermut Avatangiisinullu Ingerlatsiviup qitiutinneqartumik suliallit (titartaasarfiit, inerisaasut siunnersortillu allat) peqataatissavai, nittartakkap nutaamik aaqqissuunneqarnera misilerarniarlugu.

Kommunimi ataatsimut pilersaarusiap paasilluarneqarnissaa qulakkeerniarlugu aamma ingerlatsivinnit assigiinngitsunit pisortaqatigiinnillu sammineqassaaq.

Ingerlatsivinnit allaniit oqaaseqaatigineqartut

Pisariaqanngilaq.

Siusinnerusukkut aalajangiinerit:

Sanarfinermut Avatangiisinullu Ataatsimiititap septembarip 09-ni 2020-mi aalajangiinera:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititap aalajangenera ulloq 23.septembari 2020-meersoq:

Inassuteqaat akuersissutigineqarpoq.

Ilanngussat

1. Nassuiaat
2. <https://kp.sermersooq.gl/gl/>